

**COLLECTIVITE DE CORSE**

**ASSEMBLEE DE CORSE**

**1<sup>ERE</sup> SESSION ORDINAIRE DE 2019  
21 ET 22 FEVRIER 2019**

**N° 2019/O1/019**

**MUZIONE  
CÙ DUMANDA D'ESAME PRIURITARIU**

- **POSTADA** : Mme Vannina ANGELINI-BURESI AU NOM DU GROUPE  
« CORSICA LIBERA »
- **UGETTU** : DUTAZIONE URARIE GLUBALE DI U COLLEGHJU DI VICU È DI  
I STABILIMENTI DI L'INTERNU.

---

**VISTU** a deliberazione N° 15/083 AC aduprendu u pianu lingua 2020 per a  
nurmalizzazione di a lingua corsa è u prugressu versu una sucetà bilingua,

**VISTU** a deliberazione N° 17/021 AC chì dà mandatu à u Presidente di  
l'Esecutivu d'andà à discore cù u ministru di l'Educazione Naziunale di a messa in opera  
d'un quadru nurmativu specificu par l'Accademia di Corsica,

**INTESU** chì a Corsica hè ricunnisciuta cum'è un tarritoriu muntagnolu in a  
lege Muntagna N° 2016-1888 divendu in e sò specificità interne frà altru i sirvizzii publichi  
cum'è quelle di e scole,

**INTESU** chì à u colleghju di Vicu hè calata a DHG di 27 ore,

**INTESU** ch'ellu ci hè duie filiere, una sesta « standard » è una bilingua,

**INTESU** dunque chì ùn ci serà micca abbastanza ore da pudè mintene duie  
classe di sesta,

**INTESU** chì cù una sesta sola e cundizione di travagliu saranu impeghjurate  
da una classa numarosa,

**INTESU** chì mischiendu i zitelli chì venenu di e duie filiere a continuità di l'insegnamentu bilinguu hè messa in periculu,

### **L'ASSEMBLEA DI CORSICA**

**DUMANDA** à u Ritturatu di tene contu di a specificità giugraffica è dunque muntagnola di a Corsica, di manera à mintene e scole primarie è sicundarie in i rughjoni di l'internu.

**DUMANDA** chì u ritturatu ùn mittessi micca in opera i so calculi d'effettivu minimu da mintene e so classe, cum'ellu a pò fà in u circondu citaddinu.

**DUMANDA** chì à u culleghju di Vicu è à tutti l'altri di i paesi di l'internu chì saranu in pirculu dumane, ch'ella sia ricunnisciuta a so specificità di circondu muntagnolu da mintene o mancu ciò ch'ella hè propostu sinn'à avà.

**DUMANDA** chì u Ritturatu ghjistisce di manera sfarente a duttazione d'ore glubale ind'è i culleghji di l'internu è ch'elle ùn sianu cacciate l'ore di Corsu di manere à ùn mette micca in pirculu e filiere bilingue.

Infine, **MANDA** u Prisidente di l'Esecutivu, quellu di l'Assemblea di Corsica, i consiglieri esecutivi in carica di a Lingua corsa è di l'educazione d'organizà un scontru trà capi stabbulimenti, raprisintanti di parenti d'elevi, insignanti è a Rittrice da truvà una suluzione à longu andà par mintene e scole in li paesi muntagnoli.